

Канон святителю Иоасафу Белгородскому

Память празднуем 4 (17) сентября

Тропарь, глас 3-й

Святителю Христу́ Бо́гу возлю́бленне, пра́вило ве́ры и о́браз милосе́рдия лю́дем был еси́, бде́нием же, постом и моли́твою я́ко свети́льник пресве́тлый просия́л еси́, и просла́влен от Бо́га яви́лся еси́: те́лом у́бо в нетле́нии почива́я, ду́хом же Престо́лу Бо́жию предсто́я, чуде́са пресла́вная источа́еши. Моли́ Христа́ Бо́га, да утверди́т нас в Правосла́вии и благоче́стии и спасе́т ду́ши на́ша.

Ин тропарь, глас 2-й

Моли́твенниче изде́ства преизря́дный, Богоизбра́нный святителю́ Христо́в Иоаса́фе, пра́вило ве́ры и о́браз милосе́рдия благоче́стным жити́ем всем явля́еши и с ве́рою к тебе́ притека́ющим оби́льно исцеле́ния источа́еши. Моли́ Христа́ Бо́га, да утверди́т правове́рие, мир и благоче́стие и спасе́т ду́ши на́ша.

Канон

Глас 4-й

Песнь 1

Ирмос: Триста́ты кре́пкия, Рожде́йся от Де́вы, безстра́стия во глубине́ ду́ши трича́стное пото́пи, молю́ся, да Тебе́, я́ко в тимпа́не, во умерщвле́нии телесе́ победное воспою́ пение́.

Припев: Святителю́ о́тче наш Иоаса́фе, моли́ Бо́га о нас.

Иоаса́фа святите́ля воспева́юще по́двиги, очи́стим по́мыслы ума́ на́шего, бра́тие, то́го подви́зающе на моли́тву о проще́нии грех на́ших и благода́тнаго умиле́ния дарова́нии.

Святителю́ о́тче наш Иоаса́фе, моли́ Бо́га о нас.

О твоём благоче́стии измла́да потща́вшися роди́телие твои́, уго́днице Христо́в, досто́йную мзду́ трудо́в свои́х в тебе́

стяжаша, яко от младенчества твоего благочестивым нравом радость тем был еси.

Святителю отче наш Иоасафе, моли Бога о нас.

Анне праведней уподобися отец твой, святителю: та бо дочь свою во святое святых вводиму виде, сей же ты от тойжде Пресвятыя Богородицы архиерейскою славою венчана в видении чуднем познати сподобися.

Слава: Себе самого плачу окаянный аз, от юности страстем поработився: помилуй мя предстательством твоим, святителю, от юности страсти поработивый и Единому Богу до смерти послуживый.

И ныне: Гору святую, превышнее Носило, Матерь Божию и Деву Истинную по рождестве воспойм,

Песнь 3

Ирмос: С высоты снишел еси волею на землю, превышше всякаго начала и смиренное вознесл еси из ада преисподняго естество человеческое несть бо свят паче Тебе, Человеколюбче.

Святителю отче наш Иоасафе, моли Бога о нас.

Аще и чадо послушное родителем твоим был еси, Иоасафе, но, Господа паче сих возлюбив, из отеческаго дома спасения ради удалился еси, и научение книжное восприим, во обитель иноческую себе заключил еси.

Святителю отче наш Иоасафе, моли Бога о нас.

Фарисейскаго возношения чужд явился еси, отче преподобне: монашеское же смирение от юности возлюбив, тайными подвиги плоть смирял еси, и душу твою молитвою пред Отцем Небесным просвещал еси.

Святителю отче наш Иоасафе, моли Бога о нас.

Еже жити ми Христос, и смерть приобретение, глаголал еси в себе, Христов угодник, и болезнем плоть твою сокрушающим, трудя ко трудом Господа ради прилагал еси.

Слава: Святое послушание восприим и священства одеждою украшен, Иоасафе угодник Христов учитель добр отроком бываает, словом и житием тех благочестию научая и во младых летех ум зрелый являя.

И ныне: Неискусобрачная Бóга плóтию рóждшая, стра́стными прилóги преклонéна мя утверди́: несть бо, Чíстая, рáзве Тебé помóщница.

Гóсподи, помíлуй (трижды).

Седален, глас 6-й

Ка́я добродéтель не обрéте в ду́шѣ твоéѣ обита́лица; ко́его по́двига не был еси́ побóрник; нищета́ бо духо́вная и о Ца́рствии Небе́снем плач, и нра́ва крóтость, и пра́вды искáние, и ко бли́жним милосéрдие, и се́рдца чистота́ во твоéм непорóчнем жити́и просия́ша. Тех úбо дарова́ний о́бщники ны моля́щиеся сотвори́, и о душа́х на́ших предста́тель бу́ди, Иоаса́фе, избра́нниче Бóжий.

Слава, и ныне: Благослове́нную нареки́ Твою́ Ма́терь, пришéл еси́ на страсть во́льным хотéнием, возсия́в на Крестé, взыска́ти хотя́ Ада́ма, глаго́ля А́нгелом: сра́дуйтеса́ Мне, я́ко обрéтеса́ поги́бшая дра́хма. Вся му́дре устро́ивый, Бóже наш, сла́ва Тебé.

Песнь 4

Ирмос: Седя́й в Сла́ве на Престо́ле Божества́ во о́блаце лёгце, при́иде Иису́с Пребоже́ственный, Нетле́нною Дла́нию и спасé зову́щия: сла́ва, Христé, си́ле Твоéѣ.

Святíteлю о́тче наш Иоаса́фе, моли́ Бóга о нас.

Вем и аз путь ко спасéнию веду́щий, но ле́ности плóти моея́ не побежда́ю, увы́ мне! Сего́ ра́ди ты, святíteлю, призыва́ю в моли́тву, да желáние спасéния во мне утверди́ши.

Святíteлю о́тче наш Иоаса́фе, моли́ Бóга о нас.

Якорь спасéния имéя наде́жду на Гóспода, служéние игу́менское прия́л еси́, и к попечéнием о стро́ительстве домо́внем понужда́емь, ду́шу твою́ устро́яти ко спасéнию не престáл еси́: сему́ и менé многосу́етнаго науча́й, о́тче преподо́бне.

Святíteлю о́тче наш Иоаса́фе, моли́ Бóга о нас.

Труды́ ко трудóм прилага́я и обите́ль Лубéнскую от

разрушения воздвизая, по земли же Россійстей за милостынею странствуя, святитель Иоасаф царицу во благочестии утверждает и вся люди спасению душ научает.

Слава: Имѣя в сердце своем присную к нищим любовь, Иоасаф Христов угодник отеческое попечение о монастырских трудницах являет и от достатка своего щедроты ближним своим отверзает.

И ныне: Господѣ Всепетая Богородительнице, моя помышления Твоими молитвами очистивши, покажи мя благоплодна, Мати всех Бога.

Песнь 5

Ирмос: Ныне востану, пророчески рече Бог, ныне прославлюся, ныне вознесуся, падшаго прием от Девы и к свету умному возносяй Моего Божества.

Святителю отче наш Иоасафе, моли Бога о нас.

Тебѣ, святителю Христов, молю в сокрушении сердца: якоже в житии твоём кающихся прощал еси, тако и моего сердца сокрушение зря, умоли Господа грехом моим прощение даровати.

Святителю отче наш Иоасафе, моли Бога о нас.

Елень на источники водныя устремляется: ты же, угодниче, ко славе Церкви Христовы вся деяния и помыслы твои присно устремлял еси, и тако обители святителя Афанасия и Преподобнаго Сергия елико строением церковным, толико и благочестием братии украсил еси.

Святителю отче наш Иоасафе, моли Бога о нас.

Людие, слышите и чудитесь угодника смиренномудрию: сей бо святого Афанасия в видении зрит и тому вопросившу отвещавает: хочу, да мене якоже грешника накажеш.

Слава: Юнаго Соломона, не богатства, но мудрости от явившагося Господа просяща, похваляет вышний, и вселенная присно прославляет: но того мудрейший Иоасаф показуется, наказания грехом своим от являшагося святителя испрошая.

И ныне: Воплотися Бог по Ипостаси, Чистая, из Тебѣ плоти соединяемь, пребыв неизменен, по Божественному существу

бесплѳтен.

Песнь 6

Ирмос: Возопі, прообразуя погребѣние триднѣвное, пророк Іона, в ките моляся: от тли избави мя, Иисусе Царю Сил.

Святителю ѳче наш Иоасафе, моли Бѳга о нас.

Молитвами Преподѳбнаго Сѳргия, твоими же труды во славу святых Бѳжиих, паче же сердца чистотою, от Гѳспода еще на земли возвеличен был еси, угѳднице, и святительским сѳном во спасѣние паствы твоей облечѣн был еси.

Святителю ѳче наш Иоасафе, моли Бѳга о нас.

Огненную рѣвность о исправлении церкѳвнем являл еси в Белоградстем предѣле, Иоасафе святителю: тѣмже и днесь подавай церкѳви мир, вѣрным утверждение.

Святителю ѳче наш Иоасафе, моли Бѳга о нас.

Любве сыновния не отпал еси, на высотѣ святительства пребывая, и родителю твоему земное поклонѣние воздал еси, Христу посреде вас сущу: убо и мое смири прегѳрдое сердце, и молитвами твоими вразуми мя.

Слава: Инок нестяжѳтелен на престѳле архиерѣйства пребыл еси, святителю, подвиги поста и молитвы умножая, доброе о себе и о людех вознося молѣние, иерѣи же и вся люди заповедем Бѳжиим научая.

И ныне: Всякаго существа вышнее, Слово Бѳжие воплощенно нам родила еси: тѣмже Богородицу Тя устнами и душею проповѣдуем.

Гѳсподи, помилуй (трижды). Слава, и ныне:

Кондак, глас 8-й

Многоразличныя подвиги жития твоего кто исповѣсть? многообразныя милости Бѳжия тобою явленныя кто исчислит; дерзновение же твое у Пречистыя Богородицы и всещѣдраго Бѳга добре ведуще, во умилении сердечнем зовѣм ти: не лишѣи и нас твоея помощи и заступления, святителю Христов и чудотворче Иоасафе.

Икос

Пречистою Богоматерию от юности в сосуд благодати избранный, благочестивым житием воистинну добрый пастырь словесных овец явился еси, святителю: темже приял еси дар исцелений от возлюбившаго тя Христа Бога нашего. Сего ради зовем ти: не лишь и нас твоея помощи и заступления, святителю Христов и чудотворче Иоасафе.

Песнь 7

Ирмос: Юноши три в Вавилоне, веление мучителево на буйство преложше, посреде пламени вопияху: благословен еси, Господи, Боже отец наших.

Святителю отче наш Иоасафе, моли Бога о нас.

Святителю Иоасафу дивимся, о людие, ведуще сего, аки Николая Чудотворца, бедных хижины тайно посещающа, или тем дрова своими руками уготовляюща, и биения от привратника приемлюща.

Святителю отче наш Иоасафе, моли Бога о нас.

Язвы греховныя на душах человеческих провидел еси, святителю, и тайная прегрешения их с любовью и долготерпением обличал еси: темже и нас молитвою твоею к покаянию и исправлению жития приведи, и души наша предстательством твоим помилуй.

Святителю отче наш Иоасафе, моли Бога о нас.

Оному властителю уподобихся аз окаянный, иже сам беззаконен быв, ко узником zelo жесток являшеся: но якоже того научением твоим исправил еси, отче Иоасафе, святителю Христов, тако и мене научи ко ближним милостива, к себе же жестока быти.

Слава: Царя Небеснаго добрый воине и стада Христова верный пастырю, молитву сотвори о людех твоих, да тихое житие на земли поживше, жизни вечныя на небесех сподобимся.

И ныне: Превечно от Отца возсиявша Бога Слова во утробе плотию зачешую вси ублажаем, яко Матерь всех Бога.

Песнь 8

Ирмос: Избáвителью всех, Всесильне, посреде́ пламене́ благочествовавшия, снизше́д, ороси́л еси́ и научи́л еси́ пѣти: вся дела́, благослови́те, пойте́ Го́спода.

Святителю́ о́тче наш Иоаса́фе, моли́ Бо́га о нас.

Афанáсию о́ному тобо́ю возлю́бленному подража́тель быв, святителю́, потща́лся еси́ земно́е жити́е во страна́нничестве́м по́двизе сконча́ти, и кончи́ну свою́ прозрѣв, путі́ далѣкому́ небоязненно́ вдáлся еси́.

Святителю́ о́тче наш Иоаса́фе, моли́ Бо́га о нас.

Рекл еси́ лю́дем, от па́сты твоєї́ отходя́: не имате́ мене́ жива́ узрѣти. Те́мже в зало́г общѣния́ та́мо гробни́цу тебѣ́ устроити́ повелѣ́л еси́. И нас у́бо научи́ час сме́ртный па́мятовати́ и о ду́ши свое́й попече́ние непреста́нно храни́ти.

Святителю́ о́тче наш Иоаса́фе, моли́ Бо́га о нас.

Ели́ка тво́я о мона́шестве́м жити́и бѣше́ ре́вность, толи́ка и ко тво́им при́сным любы́: зане́ не по плóти то́чию свой́ тебѣ́ бѣша, но и ду́хом еди́но в Бо́зе с тобо́ю яви́шася. Того́ ра́ди восхотѣ́л еси́ родите́ли тво́я прѣ́жде кончи́ны твоєї́ посетити́ и благослове́ние Бо́жие тем препода́ти.

Слава: Игу́мен, близ ме́ста твоєї́ пра́ведныя кончи́ны подвизáвыйся, о ча́се преставле́ния твоего́ видѣ́нием известв́уется, и свиде́тель ве́рен о тво́ем от Бо́га прославлѣ́нии áбие́ бывáет. И на мне́ у́бо твоєї́ моли́твы си́лу покажи́, Христо́в уго́днице, и то́ю от мучи́тельства страсте́й свободи́ мя.

И ныне: Всесвята́я Де́во, Бо́га Сло́ва ро́ждшая плóтию, ду́ши мое́я мрак Тво́ими моли́твами отгна́вши, просвети́ взыва́юща: Благослови́те, вся дела́ Господня́, Го́спода.

Песнь 9

Ирмос: Рожде́ство Твоѣ́ нетлѣ́нно яви́ся: Бог из боку́ Твоѣ́ю прѣ́йде, я́ко Плотно́сец яви́ся на земли́ и с челове́ки поживѣ́. Тя, Богороди́це, тем вси́ велича́ем.

Святителю́ о́тче наш Иоаса́фе, моли́ Бо́га о нас.

Любы́ николи́же отпа́дет, глаго́лет Божество́нный Дух. Истина́ сия́ в чудесе́х любве́ твоея́ извести́ся, святителю́ Христо́в, я́ко боля́щим исцеление́ и скорбя́щим утешение́ от твои́х нетле́нных моще́й источа́еши.

Святителю́ о́тче наш Иоаса́фе, моли́ Бо́га о нас.

Южский́ росси́йския земли́ предѣлъ благодарений́ о чудесе́х твои́х исполнися́ издревле́: ны́не же и от да́льных стран се́верных притека́ющия зрим и исцеленны́я страда́льцы, о твоём заступле́нии ра́дующияся.

Святителю́ о́тче наш Иоаса́фе, моли́ Бо́га о нас.

Де́ти стра́ждущия па́че иных возлюбил еси́, святителю́ Христо́в, тем исцеления́ и благодатную по́мощь умножа́я и родители́ их от ско́рби к ра́дости пременя́я.

Святителю́ о́тче наш Иоаса́фе, моли́ Бо́га о нас.

Елиссéа проро́ка косте́й прикоснове́нием воста́ умерый: твои́х же моще́й целова́нием безчи́сленнии исцели́шася лю́дие. И мене́ у́бо припада́юща исцели́ от грехо́вных страсте́й, и ве́ру укрепи́ многогрешны́я ду́ши моея́, о́тче преподо́бне.

Слава: Христе́ Бо́же, моли́твами Иоаса́фа уго́дника Твоего́ мир Це́ркви пода́ждь и благостоя́ние, от гла́да же и па́губы избавле́ние и согрешений́ на́ших прощени́е.

И ны́не: Плод чре́ва Твоего́, Ра́дость ро́ждшая, соде́я ликостоя́теля песнь пе́ти Тебе́, велегла́сно ра́дуйся провещава́юща.